

E`bi afa fe pi tu ri

Page 1

Pale azini ndra alu agu azini afa ei ru ni ci ru ni Matua `i. eri ma oku ndra ci azini eri ma zamvandra alu ru ni Masia `i. Matua le ndra di agupiamva nit e eco ni di yini mva esu l ma oku ni be dika ku. Matua `ba e`yo mva agupiamva ako niri ima okuni ma rua. Ri ima okuni ni inza azini ri eri `ba kile mvaale.

Page 2

O`du alu, awoko nya Matua ni ima okuni ni kayi ra gba ima okuni ni kali si. Oku nde nga di apa yi vile akua `dale. Mvi asia candi amboru be a`disiku Matua oga eri ni Masia ni jiko l be indi si. Matua ri candi fe ima okuni ni geriko alu ini candi fezu ima okuni ni `disi. Masia ri di aa ocoko amboru ni ma alia.

Page 3

Matua nga di oku azini e`du. `Ba ima asia kini oku o`diri ni nga ini mva agupiamva ti ra `dini. Masia ma ati ka mu oku azi ni e`du `bo, e`yo mba di vini erini `da ma drilia. Matua ri otre drinia okporu azini ri fe eri dri azi nga oku o`diri dri. Masia ri azi nga kile ati`bo le.

Page 4

Afu nde ndra Matua ni i`vile ti yi sit u. eri di oku pa so l vile apere tia amve `da l vile ti `diyi neria iribi nya ria amvu alia `da. Api lonyi l vile risi saaru. Matua vile azi`ba karakara `diyi ri eri vile rii dri pi yi ede azini ri anyapa kile ti, ndri , akanya azini kabilo `diyi ma ta mba. Ri ti yi zo Matua ni lesu waa ozizu `ba enyati azia `diyi ni beni.

Page 5

Matua le ndra l vile oku vile ri saaru. Ri eri odo kile eri opi oku ni le. Ri lu ri l vile jua etuzu azita o`baria Masia pi ma dria azi`bay i be. Masia ri ri enga o`biti drio drio o`du alu alu vusi cayi a`dizu ima okupi ni. Ri eri vile jo ale ede, azini nyaka a`di drinia. Te eri ma okupi ri ri onu kini nyaka `bani fele idri ri ambizaru, majani cani l vile cayi alia ku azini l vile jo ri ma ale wa ca ku.

Page 6

O`du alu awoko nya Matua ni Masia ni saaru. Otre drinia ra gba eri kali si. Masia nzu kpere yitia `dale azini owu etu zu. Mbeleru eri o`duko azini engazu yi alia `dale. Erini ti engazu angu nezu oru ria ne e`bi azini amboru ni. O`duko `da ri de enga e`bi `da vu. Ori Masia ni ndepi tu risi, `ye adani apa apa, te e`bi `da atri eri ci. Kirkiri mi apa ku ma zamva, ma mi andri `i. Ma oja ma e`bi ru mi ati ma ni `do ma `i ri ku beni .

Page 7

“A`di e`yon i?” e`bi `da zi eri. Masia olu erini e`yo yi `ye pi ima rua `diyi dria ra. “Mi asi ku ma zamva. Ma nga mini nyaka eji o`du dria” e`bi nga `yo. E`bi nga eri ni bakule efe pati efi be alea tre. `da eca di eri ni omu nyaza ru. Erini ti engazu angu nezu oru ria, esu de e`bi avi `bo. O`du `dasi Masia mvi akua oguta be andretia. Ngani di nga la abiri si dika ku.

Page 8

Masia e`do di aci yi tia `dale o`du dria. Eri enga o`biti drio drio kile oku ri le azi joalea `diyi ngazu. Etu agadua `dia, eri mu yi tia `dale. Eri ima o`duko e`da o`du dria azini e`bi `da ni vini efu o`du dria nyaka aluzaru be. Masia e`do eca ayikoru. E`do di e`yo ciri olu e`bi `da ni ra. Eri ma rua e`do ala. Eri ma inyiriko e`do di di azini eca mva ayiko be asia ni.

Page 9

Masia e`do aci yi tia `dale o`du dria kpere erima okupi ni e`doria e`yo egaria ndu. Masia e`do eca a`buzaru azini eri ma enyiriko ri di di. “E`yo azi ni ni `l `yeria yia `dale ci, le ma ma isu a`di e`yon i ya ri ra” erima okupi ega. o`du alu, bi Masia ma vuti yia `dale. Ne Masia ni e`yo nzeria e`bi be azini nyaka aluzaru ai ria. `Ba ofu di Masia ma siri ra. “Le ma ma `ye e`yo azini e`bi `di ma rua ra” erima okupi nga `yo.

Page 10

Ondresi, Matua nga emvi amvua risi ra. Esu I vile oku o`diri ni owuria joa `dale. “A`di e`yo ni oku mani lele tu ri ” Matua zi eri. “Amu te ojoa” okuni `yo. “`Yo mani kini geri ci mani ecozu mini agupiamva tizu ra ri lu mani e`bi ambo ndeni yi `da ma alia ri nyazu ra ri `i” `yo. “mi eco mani e`bi `da bi ondre `di si ra?” okuni zi matu `baza be.

“Ma nga afa ci ri `ye oku mani lele tu ri ni ra ” Matua `yo

Page 11

Matua ko dri mu yia `dale de nga angu bini de ku. Ji ivile azi `ba yi muzu e`bi yi ma alia ambo ndeni ri isu zu . nda ki eri ndaki eri kpere Matua ni e`bi ambo ndeni ri ebiria. `ba eri jurua alia jizu akua. Erini cazu akua `bo ri si esu `ba du aci ngonde e`bi `da a`dzu `bo. “Ma nga nyaka ndepi ra ri a`di andru amani `i” Matua ma okuni `yo erini. “Mi agupi ori kokoru azini okpo be tu mani ni ra ri `i” . afu nda Matua ni `l ma ngulupi si kayi

Page 12

Ini `dasi, Matua pi ko o`du ima okuni be ayikosi nyaka aluza `da ma vutia. Ku falako yi woro mesa dria Masia ni emu ede o`bitisi. Masia ni cai ejizu yi vu joa `dole o`biti sir i si,

esu yi nga kiri o`du ko. " `Di e`yo azi ndu `dini ni" ega ima ngulupi si. "Ma ati ni oku eng a drio drio mu amvua. Ma di osu eri nga kiri o`du ko a`di e`yo si ya ri si."

Page 13

"E`yo yo, ma eco di nzu yia `dale mu nyaka o`biti siri nya ra" ega ima asia. Masia nzu yi tia `dale. E`do ima o`duko eng a , eng a dika,eng a ti e`bi efu ni ku. Masia e`do owu. Ni ni a`di `ye `l e`bi be ni ya ri ku. Erini owuria, aria azini eng a emu ri eri ma ageyia a`di `ye `l ni yari olu zu eri ni: owu di dika dika eri ni egale `ba bi `da ima andri ni nya `bo ri si.

Page 14

Aria `da `yo erini kini ma tra e`bi `da ma falako yi mesa dria risi `bezu yi ma alia `dale vile. Ka `dale ri `ye ra, e`bi `da ni nga dri eda vile. Aria `da `yo vini erini kini ma ku ima ati pi ma ko o`du ima okupi be kpere ma emu yi eng a saa azia si. Masia `ye `bani lu ini ri le. Enzu vile akua, mu e`yere e`yere ima ati vile joa `dale. Esu yi nga kiri o`dua dikilidi. E`du falako `dayi, `bay i jurua azini ma alia raj i yi `be vile yi alia `dale.

Page 15

Masia nzu vile akua dika. Saa ni di leria caria azia leri `dia `di eng a di ima ati pi ima okupi be. O`bi `da yi ki ya ri vat i. ena ki woro dezaru, emve ndrindriazini okpokokoru. De teketeke ani econi oter drinia ku, yi ma okpo ca vini eri gbazu ku. And kayi ra o`bi di vini aku ta mba ti. Ani Masia eca di `ba aku `da pi ma drilia ati vile lonyi pie ri run i. omve azi `ba yi woro a`di e`yo `ye l ni ya ri oluzu yi dri. `Ba ki omu azini ayiko efi di aku `da ma alia e`dozu o`du `dasi muzu drile.